

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
ইউরোপ-৪ শাখা
শের-ই-বাংলা নগর, ঢাকা
www.erd.gov.bd

প্রেস বিজ্ঞপ্তি

আজ ১৫ সেপ্টেম্বর ২০২২ তারিখে মন্ত্রণালয় বিভাগ ও অর্থ বিভাগ কর্তৃক বাস্তবায়নাধীন ‘Support to National Social Security Strategy Reforms in Bangladesh (NSSS)’- শীর্ষক চলমান কর্মসূচিতে ইউরোপীয় ইউনিয়ন (ইইউ) ১০০ মিলিয়ন ইউরো (বাজেট সহায়তা হিসেবে ৯৭ মিলিয়ন ইউরো এবং পরিপূরক সহায়তা ৩ মিলিয়ন ইউরো) পুনর্ভরণ (Top-up) সংশ্লিষ্ট সংশোধিত অর্থায়ন চুক্তি (Addendum Financing Agreement) বাংলাদেশ সরকার এবং ইউরোপীয় ইউনিয়নের মধ্যে স্বাক্ষরিত হয়। বাংলাদেশ সরকারের পক্ষে মির্জা শরিফা খান, সচিব, অর্থনৈতিক সম্পর্ক বিভাগ, অর্থ মন্ত্রণালয় এবং ইউরোপীয় ইউনিয়নের পক্ষে Mr. Peteris Ustubs, Director, Middle East, Asia and Pacific, Directorate General for International Partnerships সংশোধিত অর্থায়ন চুক্তিতে স্বাক্ষর করেন।

এ মূল কর্মসূচির উদ্দেশ্য হলো- বাংলাদেশের মানব সম্পদ উন্নয়নে বিনিয়োগ বৃদ্ধি করা। বর্ণিত কর্মসূচিটির মাধ্যমে সুনির্দিষ্টভাবে একটি কার্যকর, ব্যাপক ও ঝুঁকিমুক্ত সামাজিক নিরাপত্তা ব্যবস্থা প্রতিষ্ঠা এবং সকলের জন্য উপযুক্ত কাজ ও সামাজিক সুরক্ষা নিশ্চিত করার ব্যবস্থা গ্রহণ করা হবে। এর অন্য একটি গুরুত্বপূর্ণ লক্ষ্য হলো মা ও শিশুদের খাদ্য নিরাপত্তা প্রদান করা।

‘Support to National Social Security Strategy Reforms in Bangladesh (NSSS)’ শীর্ষক কর্মসূচিটি ০২ নভেম্বর ২০২০ হতে ৩০ জুন ২০২৫ মেয়াদে বাস্তবায়িত হচ্ছে। উল্লেখ্য, কর্মসূচিটিতে ইইউ এর মোট সহায়তার পরিমাণ ২৫২ মিলিয়ন ইউরো (বাজেট সহায়তা হিসেবে ২৪৭ মিলিয়ন ইউরো এবং পরিপূরক সহায়তা ৫ মিলিয়ন ইউরো)। ইতোমধ্যে বর্ণিত কর্মসূচিতে ১৩৯ মিলিয়ন ইউরো বাজেট সহায়তা হিসেবে প্রদান করা হয়েছে।

ইউরোপীয় ইউনিয়ন বাংলাদেশের একটি অন্যতম দ্বিপাক্ষিক উন্নয়ন সহযোগী সংস্থা। ১৯৭৩ সাল হতে ইউরোপীয় ইউনিয়ন বাংলাদেশের অর্থনৈতিক, বাণিজ্য, শিক্ষা, সুশাসন, পরিবেশ খাতে বাজেট সহায়তা ও অনুদান প্রদান করে আসছে যার পরিমাণ প্রায় ২০৬৫ মিলিয়ন মার্কিন ডলার।

১৫/৯/২০২২

সামিয়া আলম
উপ-সচিব
অর্থনৈতিক সম্পর্ক বিভাগ
অর্থ মন্ত্রণালয়
গণপ্রজাতন্ত্রী বাংলাদেশ সরকার